

# CENTRAL PARK!

Ninanán óma ká  
kwáskwéyáciyépayamák  
nipy wápikwaniya!  
Tántato óma é yáyák  
ésí pá péyakoyák anih  
wapikwani nípíya?

Ayáw nína  
Waddell Fountain!  
Tántowa pisiskiw  
masinastahikásot  
ékota/óta?

Ayíw nína Nímítowikamik!  
Náspic óhi ni mamisein é  
mámisáki óta ká kikamoki  
wásenamawina. Éko kékwan  
ita wápataman pítikwamik?

Ayíw nína  
Regency Towers! Nína  
máwaci éki ispicisicikáték  
ékotowa kici wáskáhikan  
óta Winnipeg. Tánté ká  
isinikápawistániwak óma  
kici wáskáhikan?

Ayíw nína  
Knox United Church!  
Ispimik itápi anté ká  
máwaci isi ispák anima  
asawápijamik. Kékwaná  
ita ká oci wanitik?


Kékwaníw  
máwaci ká oci  
minwénitaman anta  
anima ká takok  
Central Park?

Ayíw nína  
Hoover and Town  
Wáskáhikan. Pápéyakwan  
ésinákok óma wáskáhikan yá  
yítawáyik. Kita káskitán ná  
kita tágasinayaman  
éyako pápéyakwan kita  
isinákok?

Ayíw nína  
Warwick Apartments!  
Tántato takoki óta  
kospátauwina inikok ta  
takosinan néte takóc?

Ayáw nínanán  
DIY Field! Ayáwa nikakí  
isítánán ékota oci ayinánew é  
isi má méskwatástépaniki itowa  
wáskoténikana. Kanakwé ná  
nisto kikakí witén é  
itástawépaniki anih  
wáskoténikanisa?

Ayíw nína  
MacDonald Building!  
Kitá miskawáw ná ana káki  
asiniwipanit kayási pisikisis éko  
kitá káskitán ná kita tapasinawat  
anima ká isinákosit? Isi itapi:  
Anté itápi anima ká nókok  
okimowí kiskinawácieikan.



WINNIPEG  
ARCHITECTURE  
FOUNDATION



@wpgarch



@wpgarch

winnipegarchitecture.ca

# NATAWÁPAMIKISKÉNITA CENTRAL PARK!

Anima Central Park éyako máwaci nistom péyak oci néyo ká kanawénicikáték askiyéki ositániwak óta Winnipeg. Móna máka wina ká kinawénicikáték askiyéki oci isinikátamwak "máka ká awésitániwak ká paskwéskák ité kitakí péyataki anwépiyan". Ékote Central Park máwaci mána ékí itotániwak kita tasi papéyatak nanócicitaniwak óma kákípé askíwaki 1900's. éko ékota takon kita tasi métawéyan ayásó kita isiyépáhamótoyék tókán, ité kita tasi kitocikániwak kita nakamonániwak éko nanátok ité kékqwána é kistikániwaki kita nitáhikiki. Éko 2008 kákípé askíwak, ékwanik ókik kici itáwin Winnipeg kákí máci nahi méswaci isítácik ité kita mino anwépinaniwak anima ká kinawénicakáték askiyéki. Anikik ká atoskatakik ká nakatawénitak ké isinákoninik wanawitimik wasakam askiyéki Scatliff+Miller+Murray ká itícik winiwaw ki itotamwak óma ké ati isinákoninik. Cíkic papéyatak kiwítatoskémewak anikik iniwa ité ká wítatiskémítocik máti takí isitániwak anima ká nákacitániwak askiyéki inikok kita minwápacitácik anikik ita ká ayácik anikik ininiwak. Kinawápata anima askíwasinahikan éko ati yá itóta anihí kékqwána ité ká masinahikátékí ká ati isi ta takosinan óma ité ká papámotéhoyan anima Central Park!

**Waddell Fountain** | 400 Cumberland Ave

Anima Waddell Foundation ásay awasimé mitátomitanaw askiya ita káoci takok aspin kákí ositániwak. Ékwánima wanawicíwanákanis náspic minwástawi wawésicikátew wásakám éko kisáspin papéyatak kinawápatamani yá yítawáyik oci, kika wápatén óma mitoni pápéyakwan é itasinastahikáték wásakám. Inikok ana askiy písim é akimit 2010, anima wanawicíwanákanis kí natawénicikátew kítwám kita nahisícikáték. Papéyatak kí ná nistinikátew éko néte pakánita ité kí itotatániwan ité kákí tasi kítwámi kawisk nahisítániwak kawisk ta isinákok éko kawisk kita isi kitámaciwépanik. Ékwáni anima wanawicíwanákanis kítwám kawisk kí ositániwan kákí isinákok nistom, mwéci ká isi tápinikátéki ká písáki wanénitamowina kí itócikátew.

Knox United Church | 400 Edmonton Street

Anima Knox United kákí ositániwak 1914 éko 1918 éko ana kákí iténitak ékisténitakosít nistom ká mískwaténitak ké isinákoninik waskahikana John G.H Russell kí atoskátam ékwéniw. Mitoni éki minonákotácik tánisi kékí isi minwápatisit asiniy kita awésicikániwak óma é wáskáhikaniwak tápiskóc anih Late Gothic Revival ká itakik ta isinákoki. Apók étoké ki wápatén átit anima éméwikamik éká ékota e takok, ékí manipanik. 2010 kákípé akimit askýy písim, ékí pistahikáték mékwác é pinésiwak. Émisikitit asiniy anta kospátawínik é isi takói pakisik éko anté méskanák é ati isi titipakocik. Éko itápiyani anté anima akámiskanaw Edmonton Street, kika wápamáw ékwána ána asinny ékí isicikások kiskisowéwi itapiwin.

**Hoover and Town House** | 368-370 Edmonton Street

Anté Central Park kí miscétinwa yá yítaw kici wáskahikan mwéci óma óta ká wápataman. Máka miscét óhi itowa wáskahikana kí píkonikátewa éko óma ká cimaték ká nísokániwak yáyítawáyik péyak wáskahikan ékwéniw piko éko kiyápík péyak ékotowa óta é takoki. 1901 kákí isítániwak éko kí isítániwan kita isinákok tápiskóc anima Queen Anne Revival Style ká itakik, wésám piko ékosi kakinaw kákípé isicikátéki kita isinákoki wáskahikana óta kitaskínák (North America) óma kákípé oski askíwak 1990 ká itakik.

**MacDonald Building** | 344 Edmonton Street

Ékoma misti wáskahikan ita miscét atoskéwíkamikosa ká takoki kákí iténitak kita isinákoninik éko kita isicíkáténik ana kákí miskwáténitak ékotowa Winnipeg Smith Carter éko kákí máci osítániwak 1958. Ékota óma kitakí takoki anihí kici okimáwiwin wanawéwi nócítawina atoskéwíkamikosa. Mitoni misiwé wanawítimáyik anima misti wáskahikan ékí kikwatinit ana ká itit asiniy Tyndall Limestone. Ékotowa ana asiniy Tyndall Limestone óta miskawáw cíkic kici itáwinik Winnipeg éko nántaw néyo mitátonitanaw niyánanomitanaw kisipikitasowina askiya é ispítatísit ana asiniy. Kisáspin cíkic papéyatak kinawápamací ana asiniy, apók étoké kika miskawáwak anihí ékí asiníwipanicik kayásí pisíkísísa kóké nanátok kistikana.

**DIY Field** | Corner of Edmonton St & Ellice Ave

Anima DÍY Field ká itakik ékota kikí nátawápátén wanawítimik émámawaskitéki nanátok itowa é nanátawi itástawék aniki mána cíkic ká nátaman. Ékwani anihí ká mámawi címáskwastéki ká nanátawi itástawépaniki wáskoténikana éko ayáw Canadian owápástasinahikew Germain Koh éki osítát óma. Éko kakinaw anihí ká mámawi címáskwastéki wáskoténikana ita píci takona émikwástawépinké, askitakwa, éko é cipétkwástéki wáskocénikanisak. Nisto takowak anihí mákonikanak ta ápacitáyan ta wáwástépitaman anihí nanátok ká itástawépaniki ita ká kikamoki wáskocénikanisa éko tatwa piko ana wéká anihí ké mákonacik ékwani mitoni kotak pakán kita itástawépaninwa ékwani kakinaw. Ispík ká páskité wástépitaman péyak anihí wéká awasimé, ékwani anihí ká mámawastawéki pakán isinákosiwín ta nókon ékota oči!

## Central Park

Ásay awasimé óma Central Park mitátomitanaw askiya aspin nistom kákí osítániwak ékwáni ékospík oci kípé pápákán méskwacinañon ita inikok ké isi natawénitakik ininiwak ita ká nócicikécik é anwépicik tanto kísikáw. Anima Central Park ká isi wápataman anohc ká kísikák, kákí kísítániwak é askíwak 2012 éko wínawáw kákí isítácik kita isinákoninik wanawítimáyik misiwé ité ká ayácik ókik ininiwak anikik ékosi ká itatoskécik Scatliff+Miller+Murray. Anima kákí nanahísítániwak ká kinawénicikáték askiy anohc éko ité takonwa piko ispík kita tasi sá sóskwaciwéyan, métawénak ita nékaw éko nipiy é tokoki, paskwéskák ité kita papamipatániwak, éko ité takí métawécik nipínák wéká nántaw kita isi métawakécik nininiw.

**Warwick Apartments** | 366 Qu'Appelle Avenue

Anima Warwick kákí ositániwak 1909 éko ké isinákoninik éko kita isítániwaninik ana nistom kákí mískwaténitak ékwéniw William Wallace Blair ininiw kákí itit. Ká oci kisténéítákok óma itowa misti wáskahikan óta aspin ká oci itámakak kici oténák Winnipeg. Mációsci, ékota kákí oci mágipanik tánisi ké isi pimácihocik éko kita wícéyámítocik ókik nanátok ité oci éko itowa ininiwak óma péyak píisci kici wáskahikanik máka pápakan ékota é takoki kita wíkicik wícéyátowikamikosa ékwanik ókik ininiwak. Ana nistom kákí iténitak kita isinákonik kakinaw óhi pisci wícéyámítomikamikosa kita wáskáni ositániwak ita ápitaw wánawítimáyik é takok kistikánaskiy ékota kita tasi anwépinániwak éko ékoté itéké anima misi wáskahikan kita takoki wásenamawina éko anihí ita kékí isi wá wanawíkápawiyán. Anima Warwick éko kayité isinákosíhitániwak asiníkán éko wápiski mistasini ékí ápaciyáciik.

**Regency Towers** | 411 Cumberland Avenue

Ispík kákí ositániwak 1964, anima Regency Towers éki mawaci ispisíkáték ékotowa misi wáskáhikan óta Winnipeg. Apók kí isi kiskénikikátew éyako ékotowa misi wáskáhikan itowikána ká takoki písci wícéyámítowikamikosa óta Canada, mámaw ita éki takoki anihí wícéyámítowikamikosa 407. Ékota mina anima písci misi wáskáhikan Regency Towers kí takon ita é atawákécik nanátok kékwána mícisowikamikos, ita kita kisípékinamákawiyán anihí ki wínipisiwina, ita pítikwamik kita tasi mámawi pakasimonániwak, éko péyak kici métawéwíkamik. Anikik ká paminakik é pakitinakik kita ayamitániwaki ácinókewí masinahikana kí itwéwak óma misi wáskáhikan náspic "é minonákok" éko kakinaw awiyak piko ité oci éki iténitakik ékota óma é minwásinik kita wíkicik ispík nistom éki paskiténikáték ékosi kita itótakik ita.

**Central Park Pavilion** | 400 Cumberland Avenue

Anima Central Park Pavilion kákí isítániwak ta isinákok anima ékotowa nistom mískwáténitamowina ká atoskáatak David Penner ékó kákí máci ositániwak 2010. Ékota anima pisci kici wáskáhikanik ékota oci pamitániwana kawisk ta itatosképaniké ká tasi papámatakániwak éko ká métawániwak nipínák éko mina ékota takonwa pamihisowikamikosa, ité ké nástáyan ta ápitakayaman ki cayánisa éko anihí píwápisíkwa ká natawénicikátéki ta wásténikániwak éko anima nanátok ká itápatak pinésiwi iskotéw kita pimipanitániwaki kékhwána. Éko anima wáskahikan wésám piko wásénamawina kí ápatan ispík kákí ositániwak, inikok kita wápataman tánisi étakamikisicik ékota pítikwamik. Átit máka wina ahihi wásénamawina kí nikwahisipéyikátéwa cíkiskanák anihí ká takoki wina kita áskaw akokápawinániwak éká kita tápitawi nókok étakamikak ita.

**Central Park Wading Pool and Aquatic Play Pad** | 400 Cumberland Avenue

Ita ká papámátakániwak éko é métawécik é nipínák éyako péyakóyk kákí nahísitániwak anta ká kinawéwicikáték askiy Central Park, éko kákí isítat kíta isinitaskamiskák misiwé ékota wanawítimáyik anikik ékosi ká itatoskécik Scatliff+Miller+Murray. Atámaskamik otakotew nipi yéko oci kitakotew mwéci misti páskisikan asiníkan itowa éko asiniwi ministikok é isi pakitik anima nipy. Ékí ositániwaki kistikánakíy kíta isinákok mwéci é miscétiki wápikwaníya ita é oci misiwé pótáciképanik nipy éko misiwé é yá itástépanik óma ká nípiwáskamiskák.

Anikik Winnipeg Architecture Foundation móna kékwan oci kaskicikéwak óma ká itótakik, éko masinahikásowak óma é kiskénimicik óma é wícihiwécik kita wápatiniwécik éko kita minwápatakik ésinákoninik anihí óta Winnipeg wáskáhikana ká takoki éko kí isinákok wánawitimayik misiwé íté ta ápacitácik kiskinawámátowin.

Awasimé kiskénitamowina anihí oči Winnipeg wáskáhikana, ésinákok wanawítimik éko ta isítániwaki kékwaná, óta itápi [winnipegarchitecture.ca](http://winnipegarchitecture.ca)

Ohi ácimowi masinahistahikéwin kí  
mámahókamwak ékosi ta isi nótokáci  
ékwéniw ókik kici Óténák Winnipeg  
áko anikik West End Biz ká iticik.

WINNIPEG  
ARCHITECTURE  
FOUNDATION

West End *biz*

**CENTRAL NEIGHBOURHOOD**  
Centennial • West Alexander • Central Park